



# SLUŽBENE NOVINE

## KANTONA SARAJEVO

Godina XI - Broj 28

Petak, 22. septembra 2006. godine  
SARAJEVO

ISSN 1512-7052

### KANTON SARAJEVO

II.

#### Vlada Kantona

Na osnovu članova 22. i 24. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst), Vlada Kantona Sarajevo, na 172. sjednici održanoj 7. septembra 2006. godine, donijela je sljedeću

#### ODLUKU

I.

Daje se saglasnost Javnom preduzeću Novinsko-izdavačkoj organizaciji "Službeni list BiH" na pretplatnu cijenu za "Službene novine Kantona Sarajevo", za drugo polugodište 2006. godine, u iznosu od 80 KM, koju je utvrdio Upravni odbor ovog Javnog preduzeća.

II.

Ovu Odluku objavit u "Službenim novinama Kantona Sarajevo".

Broj 02-05-25834-2/06  
7. septembra 2006. godine  
Sarajevo

Premijer  
mr. Denis Zvizdić, s. r.

Na osnovu članova 22. i 24. stav 2. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst), člana 29. stav 2. Zakona o ustanovama ("Službeni list R BiH", broj 6/92, 8/93 i 13/94) i člana 93. Zakona o visokom obrazovanju ("Službene novine Kantona Sarajevo", broj 17/99, 14/00, 15/01, 13/02, 12/03, 15/03, 13/04, 31/04 i 22/05), Vlada Kantona Sarajevo, na 172. sjednici održanoj 7. septembra 2006. godine, donijela je

#### ODLUKU

#### O DAVANJU SAGLASNOSTI ZA IMENOVANJE DEKANA JAVNE USTANOVE ŠUMARSKI FAKULTET U SARAJEVU

I.

Daje se saglasnost Upravnom odboru Javne ustanove Šumarski fakultet u Sarajevu, da se prof. dr. FARUK MEKIĆ imenuje za dekana Javne ustanove Šumarski fakultet u Sarajevu.

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-05-25834-9/06  
7. septembra 2006. godine  
Sarajevo

Premijer  
mr. Denis Zvizdić, s. r.

#### Ured za zakonodavstvo

Na osnovu člana 5. Uredbe o izmjenama Uredbe o osnivanju Ureda za uvođenje i održavanje sistema kvaliteta prema ISO 9001:2000 u organima uprave, upravnim ustanovama i stručnim službama ("Službene novine Kantona Sarajevo", broj 20/06) i člana 4. stav 1. Uredbe o Uredu za zakonodavstvo Vlade Kantona Sarajevo ("Službene novine Kantona Sarajevo", broj 7/06 - Prečišćeni tekst), Ured za zakonodavstvo Vlade Kantona Sarajevo utvrdio je Prečišćeni tekst Uredbe o osnivanju Ureda za uvođenje i održavanje sistema kvaliteta prema ISO 9001:2000 u organima uprave, upravnim ustanovama i stručnim službama.

Prečišćeni tekst Uredbe o osnivanju Ureda za uvođenje i održavanje sistema kvaliteta prema ISO 9001:2000 u organima uprave, upravnim ustanovama i stručnim službama obuhvata: Uredbu o osnivanju Ureda za uvođenje i održavanje sistema kvaliteta prema ISO 9001:2000 u organima uprave, upravnim ustanovama i stručnim službama ("Službene novine Kantona Sarajevo", broj 10/04), Uredbu o izmjeni i dopuni Uredbe o osnivanju Ureda za uvođenje i održavanje sistema kvaliteta prema ISO 9001:2000 u organima uprave, upravnim ustanovama i stručnim službama ("Službene novine Kantona Sarajevo", broj 37/05) i Uredbu o izmjenama Uredbe o osnivanju Ureda za uvođenje i održavanje sistema kvaliteta prema ISO 9001:2000 u organima uprave, upravnim ustanovama i stručnim službama ("Službene novine Kantona Sarajevo", broj 20/06), u kojima je označen dan njihovog stupanja na snagu.

Broj 09-02-24843/06  
14. septembra 2006. godine  
Sarajevo

Sekretar  
Ureda za zakonodavstvo  
Vlade Kantona Sarajevo  
Ahmed Ljubović, s. r.

**UREDBA**  
**O OSNIVANJU UREDA ZA KVALITET**  
**KANTONA SARAJEVO**

**(Prečišćeni tekst)**

Član 1.

Ovom Uredbom osniva se Ured za kvalitet Kantona Sarajevo (u daljnjem tekstu: Ured), utvrđuje njegov djelokrug, uređuje rukovođenje Uredom, kao i druga pitanja od značaja za organizovanje i funkcionisanje Ureda.

Član 2.

Ured vrši stručne i administrativno-tehničke poslove u vezi sa kvalitetom, koji se odnose na:

- a) analizu procesa rada kantonalnih organa uprave, kantonalnih upravnih organizacija i stručnih službi (u daljnjem tekstu: kantonalni organi),
- b) izradu potrebne dokumentacije za kvalitet,
- c) pripremanje i predlaganje odluka u vezi sa sistemom upravljanja i drugim odgovarajućim standardima,
- d) saradnju i koordinaciju sa konsultantskim i sertifikacijskim firmama,
- e) kontrolu provođenja, održavanja i unapređenja sistema upravljanja kvalitetom i drugih odgovarajućih standarda,
- f) koordinaciju sistema kvaliteta i drugih odgovarajućih standarda u kantonalnim organima,
- g) obavljanje i drugih stručnih i administrativnih poslova koji se odnose na uvođenje i održavanje sistema kvaliteta i drugih odgovarajućih standarda.

Član 3.

Uredom rukovodi šef Ureda kojeg imenuje Vlada Kantona Sarajevo (u daljnjem tekstu: Vlada) u skladu sa zakonom koji se odnosi na imenovanje državnih službenika.

Šef Ureda ima poziciju rukovodioca samostalne uprave i samostalne ustanove.

U slučaju spriječenosti ili odsutnosti šefa Ureda, u poslovima rukovođenja Uredom zamjenjuje ga državni službenik kojeg on odredi.

Član 4.

Šef Ureda podnosi izvještaj Vladi o uvođenju i održavanju sistema kvaliteta, na zahtjev Vlade, a najmanje svaka tri mjeseca.

Član 5.

Unutrašnja organizacija Ureda utvrđuje se Pravilnikom o unutrašnjoj organizaciji.

Pravilnik o unutrašnjoj organizaciji Ureda donosi šef Ureda, uz saglasnost Vlade.

Član 6.

Ured ima svojstvo pravnog lica.  
Sredstva za rad Ureda utvrđuju se u Budžetu Kantona Sarajevo.

Član 7.

Ured počinje sa radom danom postavljenja šefa Ureda.  
Pravilnik o unutrašnjoj organizaciji Ureda donijet će se u roku od 15 dana od dana postavljenja šefa Ureda.

Član 8.

Danom početka rada, Ured preuzima dokumentaciju vezanu za dosadašnji rad Stručnog tima za uvođenje sistema kvaliteta po međunarodnom standardu ISO 9001:2000 u organima, stručnim službama i kabinetima Kantona Sarajevo.

Član 9.

Nazivi radnih mjesta državnih službenika navedeni u ovoj Uredbi odnose se na oba spola.

Član 10.

Stupanjem na snagu Uredbe o izmjenama Uredbe o osnivanju Ureda za uvođenje i održavanje sistema kvaliteta prema ISO 9001:2000 u organima uprave, upravnim ustanovama i stručnim službama ("Službene novine Kantona Sarajevo", broj 20/06), šef Ureda za uvođenje i održavanje sistema kvaliteta prema ISO 9001:2000 u organima uprave, upravnim ustanovama i stručnim službama, nastavlja obavljati poslove radnog mjesta rukovođećeg državnog službenika, kao šef Ureda za kvalitet Kantona Sarajevo.

**GRAD SARAJEVO**

**Gradonačelnica**

Na osnovu člana 34. stav 1., a u vezi sa članom 38. Zakona o budžetima u Federaciji Bosne i Hercegovine ("Službene novine Federacije BiH", broj 19/06) i člana 15. Odluke o izvršavanju Budžeta Grada Sarajeva za 2006. godinu ("Službene novine Kantona Sarajevo", broj 39/05), u skladu sa Budžetom Grada Sarajeva za 2006. godinu ("Službene novine Kantona Sarajevo", broj 39/05 i 20/06), gradonačelnica Grada Sarajeva donosi

**ODLUKU**

**O ODOBRAVANJU SREDSTAVA TEKUĆE REZERVE  
BUDŽETA GRADA SARAJEVA ZA 2006. GODINU ZA  
POMOĆ STANOVNIŠTVU RATOM ZAHVAĆENIH  
PODRUČJA LIBANA**

Član 1.

Odobravaju se novčana sredstva u iznosu od 10.000,00 KM za pomoć stanovništvu ratom zahvaćenih područja Libana.

Slovima: deset hiljada KM

Član 2.

Sredstva iz člana 1. ove Odluke odobravaju se na teret pozicije: Tekuća rezerva, Budžeta Grada Sarajeva za 2006. godinu.

Član 3.

Gradska služba finansija će sredstva iz člana 1. ove Odluke uplatiti na žiro-račun Društva Crvenog krsta/križa BiH broj 140-101-00082709-32 Volksbank BiH dd Sarajevo, svrha doznake: pomoć stanovništvu ratom zahvaćenih područja Libana.

Član 4.

Za realizaciju ove Odluke zadužuje se Gradska služba finansija.

Član 5.

Odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-14-4348/06  
5. septembra 2006. godine  
Sarajevo

Gradonačelnica  
**Semih Borovac, s. r.**